

## Jesus Haft de Auntwuat

1. Wuarom es daut Läden opp Ieed fa ons soo schwierich?  
Wuarom es de Sind soo groot, un de Menschheit soo bejierich?  
Kjrich, un Mort un Stälen, un Stried sent aulawääjen,  
Ons gaunzet Läden lank, kjemt Trubbel ons entjääjen.

**Kua:** Jesus haft de Auntwuat, fa aul onse Froagen,  
Jesus haft de Krauft, onse sorjen kaun hee droagen.  
Brinj am diene Lausten, un saj am waut die quält.  
Jesus haft de Auntwuat, un jeft die waut die fält.

2. Wuarom es daut needich, daut so väl junge Menschen stoawen?  
Wuarom komen Storms soo groot, ons Habengoot vedoawen?  
Lieden, Angst un Weedoag, Famieljes gaunz vebroaken,  
Wua es aul de Freid, waut Gott ons haft vesproaken?
3. Jesus haft vesproaken hee woat emma met ons gonen;  
Un hee woat ons nich veloten wan de schwoare Tieden komen.  
Krauft, un Moot un Freiden, well hee siene Kjinja jäwen,  
Hee es gaunz dicht bie, emma derch ons gaunzet Läden.

Wieed un Musikj: Nettie un Diedrich Friesen, 2013